

Loke nos pueblo kier o mester sa

Critica Constructivo

Primeramente un gran pabien pa nos Cuerpo Policial, cu a haci un trabao fantastico di mehor dicho cien porciento.

Sigur mi no por lubida Serlimar, pa nan gran trabao, cu e limpiamento di nos caya nan na San Nicolas asina rapido.

Prome cu dos horas nos caya nan na San Nicolas, tabata limpi, figurabo hasta e segundo Hefe, Josy Kock, tabata haciendo nos caya nan limpi, mi ta spera cu e lo haya un aumento pronto, pasobra e merece.

1) Awor mi kier duna un historia di mi mes.

Mi a topa Sr. Milo Croes na Club Boneriano e prome anochi di e Calypso contest.

E kier a haci un joke ariba mi dilanti di algun otro hende di SAC, bisando cu pasobra mi a perde e prome competencia di e Calypso contest na Sport Park na aña 1956, mi no a bay mas.

Mi mester a parele, bo sa pakico??? Wel ta pasobra ora bo ta kere of bo sa cu bo a haci algo bon, y nan horta bo dilanti di bo publico asina grandi, nan ta kibra tur bo moral, loke a pasa cu nos gran cantante nan di tumba na RCA siman pasa.

Tur e cantantenan y musico nan y nos pueblo en general encluyendo algun Curasoleño a sinti mes cos cu ami a sinti na aña 1956, ora cu e huradonan a horta mi pasobra algun di e huradonan tabata amigo di e ganador Paul Connor, y hasta tabatin algun di e huradonan hungando den e mesun conhuntito, cual tabata Sensacion Musical.

E gran musicante Rafi Hodge tabata hurado, hungando den e mes un conhuntito.

Esey no por, automaticamente e ta bay vota pa su colega.

Un hurado ta mescos cu un huez, y no por ta partidario, e mester ta normal.

Despues cu e huradonan a horta mi, mi por corda bon, con e casa di e mesun hurado Rafi Hodge a bise le mi dilanti, bo por bisa loke bo kier e cantante Cobashi a gana, su casa ta Americano, el a bise le ami a mira tur clase di artista na Merca, boso a horte.

Mi a trece esaki dilanti djies pa demostra con bo ta sinti den e caso nan ey.

2) E decicion a duel Joy Kock asina tanto cu e a dicidi cu nunca hamas Aruba lo participa.

Joy hasta tabata casi yorando den e programa di Aki Aya di Scorpio.

Mi a scucha Edwin Zichem, presidente di hurado, nos artista Internacional, nos gran Rey di Tumba pa tanto biaha, e gran Tatoo nos Road March King, papiando na Canal 90 den e programa di Scorpio, y tur desapunta, cu loke nan y nos pueblo a haya.

Mi a tende cu algun di e cantantenan y musico nan tabata yorando den e dressing room.

Tatoo a bisa cu e lo no participa



Pa Lord: Cobashi

nunca mas.

3) Awor bek na nos hende di Aruba, el a duel mi pa para mira y tende nos pueblo of publico boe nos artista Internacional di un caliber asina halto musicalmente y mundialmente manera Rey di Tumba, e gran Robert Jeandor.

Si Robert su tumba of stage personalidad no tabata bon, nunca e por a cai den e top cinco, ni Rey. E no ta cuenta di jong of bieuw, manera e hubentud cu ta mayoria ta kere, bo tin cu bati mi pa bo gana, aunke tur hende tin nan opinion.

Cuanto aña boso conoce Sparrow?? Sigur ta basta aña.

Sparrow mester ta mas o menos 56 aña awor aki y te ainda e ta Rey di Calypso di mundo.

Bo sa kico el a bisa e otro Calypsonian nan como 20 aña pasa?? E ta 20 aña mas prome cu boso por catch up- cu ne.

Tey ainda Sparrow tey keto bay.

E tin cantidad di Calypsonian Young, nan por saca un of dos cancion nan bon, of podiser un Long Play pa aña.

Sparrow por saca un Long Play cada aña si e kier.

Aki mi a ripara si bo ta young y bo por grita duro of bula hopi e hubentud nan ta bay pa bo, locual ta bruha e huradonan.

Ovacion grandi y gritamento di publico tin hopi influencia ariba e hurado nan aki.

E trabao di hurado ta indudablemente dificil, bo no por complace tur hende, ami mes a pasa den dje.

Mi ta haya cu SAC y ASOMA mester paga e hurado nan mas ke ta cien Florin, pa e trabao duro ey.

Sintando ey nan djies pa un par di cervex of un of dos sandwich of wanta zundra di pueblo ta coi loco, of busca hurado di afo mes cos cu e contest di reina di Car naval.

Nos tur sa cu SAC a gana hopi placa cu e calypso contest na San Nicolas, y e tumba contest na RCA, aunke algun hende a bula, esey no mester bini dilanti.

Bek na Claudius Philips, no kere cu e number Mighty Talent, ta djies un number gewoon, e meneer a nace cu un don, ta pesey su number ta Talent.

Pa batie le bo mester ta hopi bon, mescos cu Robert Jeandor, nan ta artistanan naci.

Pa mi un di e tumba den

palabracion tabata di Vicente Kelly.

4) Por ultimo. Cuanto boso ta kere cu e Rey di Tumba, e Rey di Calypso ta haya??? 750 Florin, cada uno pa tur e trabaonan duro.

E rey di Corsow ta haya mas o menos 13.000 Florin. Corsow tin hopi mas hende cu nos, pero have e heart, sikiera un mil Florin. Mi ta kere cu e Road March King a haya mescos, Tristo No???

COMPANIA DI CONTRATISTA

TA BUSCA

Un compania juridicamente estableci pa contrata man di obra pa contruccion di casnan.

Presenta : Experiencia


Lista di herment

Sabana Basora 11 Aruba
Despues di 6:00 pm

WE ' RE THE ONE

THE ISLAND'S PREMIERE LIFESTYLE & TRAVEL MAGAZINE

**When it comes to
marketing
your product
or service,
no magazine delivers
a more effective
presentation
or distribution than
ARUBA NIGHTS.**



ARUBA nights

For advertising rates and information, please call 25132